

**ZAPISNIK**  
**SA XIII PROŠIRENE SJEDNICE UPRAVNOG ODBORA**  
**UDRUŽENJA POSLODAVACA FBIH**

**održane dana 13.03.2018. godine (utorak), sa početkom u 13:30 časova**  
**u hotelu „Bosnia“ (Kulovića 9.) u Sarajevu**

**Sjednici su prisustvovali članovi Upravnog odbora UPFBiH:** Adnan Smailbegović, Safudin Čengić, Snježana Kopruner, Kemal Čolak, Nijaz Skenderagić, Suad Ećo i Izet Imamović.

**Sjednici su po ovlaštenju članova Upravnog odbora UPFBiH prisustvovali:** Nedžad Sadić (po ovlaštenju Rusmira Hrvica), Alija Čolaković (po ovlaštenju Nurdina Peštalića), Željko Marjanović (po ovlaštenju Vilima Primorca), Darko Josipović (po ovlaštenju Tomislava Slišковиća) i Zdravko Markov (po ovlaštenju Maria Čuline).

**Sjednici nisu prisustvovali članovi Upravnog odbora UPFBiH:** Eldin Hadžiselimović, Kemal Hrnjić, Krasnodar Darko Petrović, Sanel Kusturica, Adisa Karahodžić, Ramiz Grapkić, Marin Raspudić, Ante Suton i Enisa Bekto, koji su opravdali svoje odsustvo.

**Sjednici su prisustvovali i predsjednici kantonalnih i granskih Grupacija UPFBiH.**

**Ispred UP FBIH:** Mladen Pandurević i Mersiha Jusić.

Sjednicu je otvorio predsjednik Upravnog odbora UP FBIH Adnan Smailbegović i predložio slijedeći:

**DNEVNI RED**

1. Usvajanje Zapisnika sa XII redovne sjednice UO;
2. Održavanje XVII redovne Skupštine UPFBiH;
  - a) Razmatranje i usvajanje Odluke o utvrđivanju dnevnog reda i mjesta za održavanje XVII redovne Skupštine UPFBiH;
  - b) Razmatranje i usvajanje Odluke o određivanju sastava delegata za Skupštinu;
3. Usvajanje Odluke o imenovanju člana UO FIPA-e ispred UPFBiH;
4. Usvajanje Odluke o imenovanju direktora UPFBiH;
5. Donošenje Odluke o imenovanju predstavnika poslodavaca iz BiH za prisustvo na godišnjoj Konferenciji MOR-a;
6. Tekuća pitanja-  
**Pod tekućim pitanjima na prijedlog Grupacije poslodavaca u oblasti cestovnog prometa uvršteno je sljedeće:**
  - a) **Prijedlog za uvođenje naplate PDV-a prijevoznicima putnika iz inostranstva za prijevoze izvršene na teritoriji BiH i drugo;**
  - b) **Promjena načina primjene obračuna PDV-a za izvršene međunarodne prijevoze putnika na teritoriji BiH**

Dnevni red je uz navedene prijedloge usvojen jednoglasno.

## **RASPRAVLJANJE PO TAČKAMA DNEVNOG REDA**

### **Tačka 1. Usvajanje zapisnika sa XII proširene sjednice UO UP FBiH**

Predsjednik UO je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

**A.D.1.: Zapisnik sa XII proširene sjednice UO UP FBiH je jednoglasno usvojen.**

### **Tačka 2. Održavanje XVII redovne Skupštine UPFBiH;**

- a) **Razmatranje i usvajanje Odluke o utvrđivanju dnevnog reda i mjesta za održavanje XVII redovne Skupštine UPFBiH;**
- b) **Razmatranje i usvajanje Odluke o određivanju sastava delegata za Skupštinu;**

Vežano za ovu tačku dnevnog reda direktor Mladen Pandurević je obavijestio prisutne da shodno Statutu UO treba donijeti Odluku o utvrđivanju dnevnog reda za Skupštinu i u skladu Kriterijima o izboru i imenovanju delegata Odluku o određivanju sastava delegata za Skupštine.

Nakon diskusije doneseni su sljedeći:

**A.D.2.a Upravni odbor jednoglasno donio Odluku o utvrđivanju dnevnog reda i mjesta za održavanje XVII redovne Skupštine UPFBiH. Odluka je sastavni dio zapisnika.**

**A.D.2.b Upravni odbor jednoglasno donio Odluku o određivanju sastava delegata za Skupštinu. Odluka je sastavni dio zapisnika.**

### **Tačka 3. Usvajanje Odluke o imenovanju člana UO FIPA-e ispred UPFBiH;**

Gdin Adnan Smailbegović je istakao da se Udruženju poslodavaca u FBiH obratila se Agencija za promociju stranih investicija FIPA dopis broj: 06-50-2-144/18 sa zahtjevom za imenovanje/reimenovanje predstavnika UPFBiH za člana UO FIPA-e.

Obzirom da sadašnjem članu UO FIPA-e gđinu. Mladenu Pandureviću, koji je imenovan ispred UPFBiH ističe mandat 02.03.2018. godine potrebno je imenovati/reimenovati predstavnika Udruženja poslodavaca u FBiH u UO FIPA-e.

Imajući u vidu da je u dopisu FIPA-e navedeno da je sadašnji član UO gđin. Mladen Pandurević u

dosadašnjem radu i realizaciji zaključaka UO FIPA-e učestvovao odgovorno i profesionalno, predlaže da se Mladen Pandurević ponovno imenuje za člana UO FIPA-e.

Obzirom da nije bilo novih prijedloga nakon glasanja donesen je sljedeći:

**A.D. 3.1. Upravni odbor je jednoglasno donio Odluku da se Mladen Pandurević ponovno imenuje za člana UO FIPA-e.**

#### **Tačka 4. Usvajanje Odluke o imenovanju direktora UPFBiH;**

Gdin Adnan Smailbegović je ukratko informisao prisutne da prema članu 42. prečišćenog teksta Statuta Udruženja poslodavaca FBiH direktora imenuje i razrješava Upravni odbor na prijedlog predsjednika Upravnog odbora.

Stav 3. član 42. propisuje uslove za imenovanje direktora. Prema navedenoj odredbi direktor mora ispunjavati sledeće uslove: VSS, pet godina radnog iskustva na rukovodećim poslovima, dokazane organizacijske i menadžerske sposobnosti te poznavanje jednog stranog jezika.

Trenutnu funkciju direktora obavlja Mladen Pandurević koji je imenovan na mandatni period 2014-2018. godine. Obzirom da sadašnjem direktoru, Mladenu Pandureviću, ističe mandat u aprilu 2018. godine, prema članu 31. Statuta UPFBiH, Upravni odbor treba izvršiti imenovanje direktora, reizborom sadašnjeg direktora ili izborom novog direktora Udruženja poslodavaca FBiH.

Imajući u vidu da Mladen Pandurević ispunjava uslove te da trenutno obavlja funkciju direktora Udruženja poslodavaca u FBiH, Predsjednik je u cilju obezbjeđenja kontinuiranog rada Udruženja poslodavaca u FBiH predložio Upravnom odboru da se Mladen Pandurević ponovno imenuje za direktora UPFBiH na period od 4. godine.

Prije imenovanja Pandurević je ukratko informisao članove Upravnog odbora o rezultatima rada Udruženja u proteklom mandatnom periodu, te o programu rada za naredni period. U svom obraćanju je istakao da je 20 puta uvećan broj članova, a pet puta je uvećan i prihod Udruženja. Naglasio je da je promijenjena javna percepcija poslodavaca, te da je definitivno Ekonomsko-socijalno vijeće FBiH pozicionirano kao nezamjenjiva institucija društva. Istakao je da se od ukupnog broja prijedloga Udruženja poslodavaca, 25 posto usvaja od strane izvršne i zakonodavne vlasti.

Za naredni period Mladen Pandurević je istakao da između ostalog direktor treba raditi na ostvarivanju sljedećih ciljeva: jačanje socijalnog dijaloga, intenziviranje rada sa Vladom FBiH u cilju postizanja adekvatnog poslovnog ambijenta, jačanje bipartitnog i tripartitnog dijaloga, smanjenje opterećenja poslodavaca, suzbijanje sive ekonomije, pojednostavljivanje administrativnih procedura i ostvarivanje ravnopravnog tretmana privatnog/realnog sektora u odnosu na javni.

Obzirom da nije bilo novih prijedloga nakon rasprave donesen je sljedeći:

**A.D.4.1. Upravni odbor je donio Odluku o imenovanju Mladena Pandurevića za direktora za mandatni period od 4. godine koja će se primjenjivati od 01.05.2018. godine. Odluka je**

sastavni dio zapisnika.

**A.D. 4.2. Zadužuje se Predsjednik Upravnog odbora Adnan Smailbegović, da zaključi ugovor o radu sa Mladenom Pandurevićem.**

**Tačka 5. Donošenje Odluke o imenovanju predstavnika poslodavaca iz BiH za prisustvo na godišnjoj Konferenciji MOR-a;**

Gdin. Smailbegović je informisao prisutne da je potrebno donijeti Odluku o imenovanju predstavnika poslodavaca iz BiH za prisustvo na 107. godišnjoj Konferenciji MOR-a. Obzirom da na zasjedanje godišnje Konferencije MOR-a u bh delegaciji učešće može uzeti samo 1. predstavnik poslodavaca iz BiH, postoji dogovor sa Ministarstvom civilnih poslova, Udruženjem poslodavaca u FBiH i Unijom poslodavaca RS da se predstavnici UPFBiH i UP RS rotiraju svake godine za učešće na Konferencijama MOR-a.

Imajući u vidu da je na 106. Konferenciji MOR-a koja je održana 2017. godine ispred poslodavaca učestvovao predsjednik Udruženja poslodavaca FBiH gdn. Adnan Smailbegović predloženo je da UO da saglasnost da se za člana bh delegacije na 107. Konferenciju ILO-a, koji će zastupati poslodavce iz cijele BiH, imenuje predstavnik ispred Unije udruženja poslodavaca RS.

Nakon diskusije donesen je sljedeći:

**A.D. 5.1. Uo je jednoglasno donio Odluku kojom se daje saglasnost da se za člana bh delegacije na 107. Konferenciju ILO-a, koji će zastupati poslodavce iz cijele BiH, imenuje predstavnik kojeg imenuje Unija udruženja poslodavaca RS. Odluka je sastavni dio Zapisnika.**

**Tačka 6. Tekuća pitanja**

**Pod tekućim pitanjima na prijedlog Grupacije poslodavaca u oblasti cestovnog prometa izvršteno je sljedeće:**

- a)Prijedlog za uvođenje naplate PDV-a prijevoznicima putnika iz inostranstva za prijevoze izvršene na teritoriji BiH i drugo;**
- b)Promjena načina primjene obračuna PDV-a za izvršene međunarodne prijevoze putnika na teritoriji BiH**

Gdin Čengić je izvjestio prisutne po navedenim tačkama dnevnog reda. Predložio je da se navedene inicijative usvoje te da na bazi dostavljenih materijala stručna služba UPFBiH pripremi inicijativu u uputi direktoru Uprave za indirektno oporezivanje gosp. Miri Džakuli.

Predsjednik Adnan Smailbegović je istakao da pored ove dvije teme postoji još niz problema sa kojima se susreću poslodavci na nivou BiH, kao što su Pravilnik o policijskoj uniformi, kojim je domaćim proizvođačima onemogućeno da učestvuju u javnim nabavkama, zabrana izvoza trupaca i uvođenje taksi za izvoz, izmjena člana 94. Pravilnika o primjeni Zakona o PDV-u i dr.

Shodno navedenom Predsjednik je predložio da se pripremi lista pitanja (problemi sa kojim se

susreću poslodavci) i da se zatraži sastanak sa predsjedavajućim Vijeća ministara.

Gdin. Nijaz Skenderagić je podržao prijedlog i dodao da bi se u listu obavezno trebao uvrstiti pitanje osnovice za obračun naknade za korištenje autoskih dijela- AMUS.

Gdin. Salem Ekmešić je dodao da se na listu uvrsti i problem kojim se susreću poslodavci na graničnom prelazu.

Gdin. Mladen Pandurević je predložio da UO donese Odluku o pokretanju krivične prijave protiv svih dosadašnjih sastava članova UO Uprave za indirektno oporezivanje koji su zbog ne donošenja akata i propusta u svom radu direktno oštetili budžet BiH i nanijeli štetu poslodavcima a i građanima BiH. Također u Odluci treba dati mogućnost Predsjedniku da u konsultacijama sa direktorom pokuša ovo pitanje da riješi bez pokretanja krivične prijave.

Pod tekućim pitanjima gdin. Čengić je također predložio da se pokrene inicijativa da se evidencija fizikalnih uređaja definiše kroz Pravilnik.

Nakon rasprave u kojoj su učestvovali svi prisutni doneseni su sljedeći:

**A.D. 6.1. Upravni odbor je jednoglasno donio Odluku o pokretanju krivične prijave protiv svih dosadašnjih članova Upravnog odbora Uprave za indirektno oporezivanje koji su zbog propusta u svom radu, ne donošenja akata, nanijeli direktnu štetu budžetu BiH, poslodavcima i građanima BiH. Ovlašćuje se Predsjednik Upravnog odbora UPFBiH da u konsultacijama sa direktorom pokuša prethodno da riješi navedeni problem bez pokretanja krivične prijave.**

**A.D. 6.2. Stručna služba će pripremiti listu pitanja/problema sa kojima se susreću poslodavci na nivou BiH i uputiti Vijeću ministara BiH sa zahtjevom za sastanak sa predsjedavajućim Vijeća ministara BiH.**

**A.D. 6.3. Stručna služba će na bazi dostavljenih materijala pripremiti inicijativu za uvođenje naplate PDV-a prijevoznicima putnika iz inostranstva za prijevoze izvršene na teritoriji BiH i drugo i Promjena načina primjene obračuna PDV-a za izvršene međunarodne prijevoze putnika na teritoriji BiH i uputiti direktoru Uprave z aindirektno oporezivanje Miri Džakuli.**

Sjednica se završila u 14:40 sati

Zapisnik sačinila: Mersiha Jusić

Predsjednik UO  
Adnan Smailbegović